

HEADLINES (EVENING)

1. Prime Minister Narendra Modi-a'n tunkar nrinni-a Mizoram rawn tlawh a tum avanga inbuatsaihna kal zelah vawiin khan sorkar laipua mi pawimawhte vengtu Special Protection Group (SPG) chuan Mizoram an rawn thleng.
2. Nimin a\anga\an Village Council Conference cum Panchayat Sammelan vawiin khan khar a ni.
3. Delhi Special Court chuan lungalhthei khur inpeknaa hlemhletna thubuaiah Jharkhand chief minister hlui Madhu Koda leh sawrkar laipua coal secretary hlui H C Gupta te chu thiamloh a chantir.
4. Vawiin khan kum 2001-a Parliament beihnaa martarte hriatrengna hun hman a ni.

<><><>

PM COMING

Prime Minister Narendra Modi-a'n tunkar Inrinni-a Mizoram rawn tlawh a tum avanga inbuatsaihna kal zelah vawiin khan sorkar laipua mi pawimawhte vengtu Special Protection Group (SPG) chuan Mizoram an rawn thleng.

Mizoram Police Security SP Pu H. Ramthlengliana hnen atanga thu dawn danin, SPG leh Mizoram Police te hian zanin hian Prime Minister-in a tlawh tur hmun hrang hrangte a him leh him loh an enfiah dawn a ni.

Mizoram Pradesh BJP Unit President Dr. JV Hluna chuan vawiin khan chanchin thar theh darhtute kawmin Mizoram mipuite chu Prime Minister chak takin a vawi khat nana Mizoram a rawn tlawh hunah hian Mizoram hmel timawi turin mi zawng zawngin theihtawpa lo hmuak turin a ngen a ni.

Puan tawh angin Prime Minister Narendra Modi-a lo kal tur hmuah dan tur chungchangah hian nimin khan Chief Secretary Pu Lalmalsawma hoin mi pawimawhte an \hukhawm a. |hutkhawmnaah hian Secretary to Governor, Principal Secretary to Chief Minister, DGP, IGP, Planning Department, GAD, PHED, PWD, P&E department, Aizawl DC, Police SP (Security, Traffic, CID, Aizawl), Fire & Emergency Service, Health Department, I&PR Department, Art & Culture Department, Tourism Department, Horticulture Department, 46 Assam Rifles, 457 Field Hospital, GAD Aviation Wing, NEEPCO, NERAMAC leh MFA hotute an tel kim hle a. Ruahmanna felfai leh kimchang tak an ruahman a ni.

(Corr)

<><><>

CHAMPHAI

Nimin atanga hman Village Council Conference cum Panchayat Sammelan, Champhai Town Hall-a neih kharna hun chu vawiin chawhnu dar 3 khan neih a ni.

Kharna hun hi Champhai District DC Pu Vanlalngaihsaka'n a kaihruai a. Kum 2016-2017 chhunga VC tinte MGNREGS leh State Finance Commission hnuai hnthawk \hate hnenah Pi Lalsangpuii Hmar, Additional DC-in lawmman a hlan a. Lawmman dawngtute hi Champhai Vengthlang VC, Sialhawk VC leh Vengthlang North VC te an ni.

Meeting-ah hian chawhma lamah mahni khua \heuha Gram Sabha, Faina leh kawng hrang hranga hmasawna kawnga hma la \haten an hnathawh leh tawnhriatte an sawi a. Chawhnu lamah Pu K. Lalmawia, President, Champhai District Village Council Association (CDVCA) hovin ro rel a ni a, resolution hrang hrang an pass nghal bawk.  
(Corr)

<><><>

#### MAMIT

Vawiin khan Mamit DC Conference Hall-ah State Bank Of India, Lead Bank Office, Kolasib District bul tumin District Consultative Committee (DCC)/District Level Review Committee (DLRC) Meeting neih a ni a, DC Pi Lalbiaksangi'n meeting hi a kaihruai a.

Meeting-ah hian July - September, 2017 chhunga District chhunga Bank hrang hrangte hmalakna leh hlawhtlinna thlrho niin thutkhawm hnunung bera thurelte thlrletna leh sawihona neih a ni bawk a.

Bank tinte chu Loan hrang hrang Crop Loan, Agriculture Loan, MSE Loan, Education Loan, Housing Loan etc, an pekchhuah dan Report thlrho niin Target khumlo Bank-te chuan an Target an khum loh chhan sawifiahna neiin Target khum ngei tura hmalak dan tur sawihona neih nghal a ni bawk.

Venhimna lam chungchang sawiho nghal a ni a, Bank tinte chu venhimna \ha tak Security Guard, CCTV, Fire Extinguisher leh thil dang an neih dan thlrho a ni bawk.

Meeting-ah hian Pi Lalbiaksangi, District Bawrhaps chuan Potential Linked Credit Plan (PLP), 2018-2019 chu a tlangzarh nghal bawk a ni.

Vawiin \hutkhawmah hian Mamit District chhunga Bank hrang hrang aiawhte bakah Agriculture, Horticulture, DIC leh KVI aiawhte an tel a ni.

(IPR)

<><><>

#### POSITIVE INDIA

Sorkar laipui, Prime Minister Narendra Modi-a kaihruai chuan ram chung \halaite hmasawn nan nasa takin hma a la a, chutianga hma a lakna zingah chuan Fottball-a India \halaite'n hma an sawn theih nan naupang an nih lai a\angin zirtirna pek an ni a.

Hemi chungchanga Mizoram Football Assn. Honorary Secy. Pu Lalnghinglova Hmar thu sawi i ngaithla ang.

*(Sound Bytes)*

<><><>

#### FORMER JHARKHAND CM MADHU KODA, EX-COAL SECY H C GUPTA CONVICTED IN COAL SCAM CASE

Delhi Special Court chuan lungalhthei khur inpeknaa hlemhletna thubuaiah Jharkhand chief minister hlui Madhu Koda leh sawrkar laipua coal secretary H C Gupta te chu thiamloh a chantir. Special CBI Judge Bharat Parashar chuan anni bakah hian Jharkhand chief secretary A K Basu leh private company Vini Iron and Steel Udyog Ltd (VISUL) te pawh thiamloh chantir an ni bawk.

Kolkata-a inkulh VISUL company laka Rajhara North-a lungalhthei laichhuahna hmun diklo taka an pek avangin heng mite

hi thiamloh chantir an ni a. Hetihlai hian midang pali he thubuaiah hian thiam chantir an ni thung.

Naktuk hian court chuan an chung a hremna pek tur a puang dawn a ni. HC Gupta kaihhruai screening Committee hian kum 2007 January 8 VISUL company-in lungalhthei laihchhuahna hmun an dil chu Jharkhand sawrkar leh Union Steel Ministry ten an remti lo chungin diklo takin phalna a pe niin CBI chuan a puh a. Hei bakah hian Union Coal Ministry changtu khatilaia Prime Minister Dr. Manmohan Singh-a lakah thudik an thup niin a puh baw.

*(Newsonair)*

<><><>

#### NATION REMEMBERS MARTYRS OF 2001 PARLIAMENT TERROR ATTACK

Vawiin khan kum 2001-a Parliament beihnaa martarte hriatrengna hun hman a ni. Vice President leh Chairman Rajya Sabha M Venkaiah Naidu, Prime Minister Narendra Modi, Lok Sabha Speaker Sumitra Mahajan, Prime Minister hlui Dr Manmohan Singh, Union Ministers, Members of Parliament leh political party hrang hrang-in Parliament House kawtah zahna pangpar an hlan a ni.

President Ram Nath Kovind chuan India rama mipui rorelna leh a hlutnate huatna leh firfiaka chetna hmanga beih a ni a ti a. India-in hnehna a chang zel ang a ti baw.

Prime Minister Narendra Modi pawhin martarte zahna a hlan a, India rama mipui rorelna hmun sang ber leh hmun thianghlim ang maia ngaih Parliament hum tura an nun a hlan chu rampumin a ngai hlu a ni a ti a. An nun an hlanna chu theihnghilh a ni tawh lo ang a ti

*(Newsonair)*

<><><>

#### GUJARAT GEARS UP FOR 2ND PHASE OF ASSEMBLY POLLS TO BE HELD TOMORROW

Gujarat Assembly inthlan thawh hnihna atan naktuk hian vote thlak a ni dawn a. Seat awm zawng zawng 182 atangin 93, North leh Central Gujarat huamchhungah vote thlak a ni ang. Zing dar 8 atanga tlai dar 5 thleng vote thlak a ni dawn a ni. Heng bialahte hian vote nei hi vbch 2 leh nuai 22 chuang niin an zinga vbhc 1 hi hmeichhia an ni a. Candidate 851 an awm a ni. Candidate zingah hian Mahesana biala ding Deputy Chief Minister Nitin Patel-te, Radhanpur-a ding Congress candidate Alpesh Thakor leh Vadgam biala Independent-a ding Jignesh Mewani-te chu candidate zinga ngaihven hlawh zual an ni.

*(Newsonair)*

<><><>